

**መጅልስ አምን ወለዛልም ቀራራቱ ድድ ኤረትሮፕ
(14ይ ክፈል)**



እብ ዶ/ር አሕመድ ሐሰን ድሕሊ

ተርጀመት፡ መሐመድ እድሪስ መሐመድ

መባጥር ቻይና ዲብ ቀደም እሊ ለተሌ ሐቃይቅ ወእስባታት እግል ልስመድ ለቀድር ኢኮን።

ቀዳማይ፡ ኤረትሮፕ ቀደም ቻይና ወብዕዳት ድወል እዲነ፡ ስያደት ወሰላም ሶማል እግል ልትሐሸም እብ ትሉሉይ ዲብ ጠልብ ጸንሐት። እግል መሰል ሐቆ ሕርየተ 1991 እግል መሻክል ሶማል እብ ዶሉ እግል አርህየት እብ ስክርቴር ዕላቀት ካርጅየት ሸሂድ መሐመድ-ሰዒድ ባርህ ለልትመረሕ ወቁል ወፍድ አስክ ሶማል ነድአት። ምን ወክድ ለሀይ እንዴ አስተብዴት ህዬ፡ ክሎም ጀሃት ሶማል ምን ብዕድ አፍካር እንዴ ሬመው እግል መሳልሕ ዐዶም እግል ልሸቀው ዲብ ስድየቶም ናይ ስያሰት ወዲብሎማስየት ሰዳይት ወጸገም ዲብ ገብእ ጸንሐ። ዲብ እሊ ለምህም ጋር ዲብ ሕድ ለኢብይእ መባጥር ቻይና ቱ።ህቱ ህዬ ቻይና እብ ሐቴ ጀህት ለእብ ናይ ካርጅ ቅዋት ዲብ ረአስ ሸዐብ ሶማል ለትቀሰበ ወእግል ብዕዳም ጀሃት ሶማል ለከርም “መትዐዳዩት ፈደራልየት ሕኩመት” ስድየተ እብ ብዕድ እንክር ህዬ ሰላም ሶማል እግል ልትሐሸም መትሰኣላ ቱ።

ካልኣይ፡ ቻይና እግል ቀራር 1907 ለኢትቃወመት እብ ሰብብ ትሸሬሕ ዲብ ህሌት፡ እግል እተሓድ አፍሪቀ እብ ትሉሉይ ሰበት ተአይዱ እግል ኢትትቃወሙ ምን ልብል መፍሁም እንዴ ትበገሰት ክምሰልቱ ተሐብር። ምናተ እግል ቀድየት አፍሪቀ እብ አፍሪቅዩን እግል አስከቡተ፡ እግል “እግል መ-እተመር ሜርሐት እተሓድ አፍሪቀ በክት እግል ልተህይቡ” ለልብል ሊብዩ

ለአቅረቦቱ ጠለብ ኢሰዴቱ። ሰበት እሊ፡ ቻይን ለአቅረቦቱ ሰበብ ክቡት ኢኮን። እሊ ላኪን ወኪል ቻይን ይከተንፈሰ ዲኢኮን ምን ብዕድ አፍካር ቱ ለልትባገስ። እብ ሐጫር ገበይ ዲብ ከርስ እስትራጅየት ስያሰት ቻይን ዲብ አፍሪቀ ወእዲን እንዴ ኦቴክ ለልትረኤ ቱ።

ሳልሳይ፡ ምጅልስ አምን ዲብ ረአስ ኤረትርዮ ዛልም ቀራር መኔዕ ለሐልፍ ዲብ ህለ፡ ቻይን እግል ትደገግ ኢትሰአለቱ። እብ ቃብል እሊ ትም ሐሬት። ምን ክሉ ለለአትፈክር ህዩ፡ ቤጂንግ እግል አረይ ወዛልም እብ ሕበር “ክሎም ጀሃት መራቀበት ኖስ እግል ሊደው” ለልብል ጠለብ አቅረቦታ ቱ። ለውሒዝ ለትወቀለት ርሽመት ሰበት በጽሐ ላኪን ለበጥር ይዐለ። ሰበት እሊ፡ ህግዩ ወኪል ቻይን እግል ኖሱ ምስለ ሐልፈ 14ይ ክፈል እብ ዶ/ር አሕመድ ሐሰን ድሕሊ ኢቃኑናይ እስባት ለኢዐለ እሉ ቀራር መኔዕ እብ አትመጣዋር ልትረኤ ዲብ ህለ፡ “ምን ሰበብ ምስምስ ዘይድ” ሌጣቱ እግል ልግበእ። እሊ እት ፍዕል እግል ኢልውዐል ዲብ ቀደም ቻይን ታሪካይ በክት ዐለ። ምናተ ኢትነፈዐት እቡ። እብለገብአት ለዛልም ኖሱ ሓክም ምን ገብአ፡ ለአረይመ እዴሁ እንዴ ረበዐ እግል ልታኬ ክምሰል ኢቀድር ታሪክ እኩዱ ህለ። ክምሰል ብሪጣንያይ ፈይለሱፍ ቶማስ ሁብዝ “ወድ አዳም እግል ሐሁ ክምሰልሁ ከራይቱ” ዲብ ልብል ለሸርሐዩ፡ እብ ቃኑን ቃባት ዲብለ ሐንቴ እስትዕማር ለተአቴ ዐለም፡ ገባይል ህለዮቶም እግል አክዶት ለትፈናተ አግቡይ ስሙድ ወመጋብህት እግል ልክለቆ ላብድ ቱ።

ራብዓይ፡ ምን አጅል መስለሐት ሽዑብ ኤረትርዮ ገባይል መንጠቀትን ለናደለት ወልሰዕ ትናድል ለህሌት ኤረትርዮ፡ ዲብ መደት ሰውረት ልግበእ ወአዜ ዲብ መደት ሕኩመት፡ መታክል ቀር አፍሪቀ ወግብለት በሐር ቀየሕ እግል አስከቦት ዲብሎማሲያይ ጅህድ ወዴት ወልሰዕ ትወዴ ሰበት ህሌት፡ ናይ ቤጂን ልግበእ ወብዕድ ፊን ለለትሐዝዩ ኢኮን። ለብዕድ ምህር እግል ለሀቦ ጀርቦ ለህለው አርወሐቶም እግል ልራቅቦ ወእግለ ሻፍግ ቀራራት ለለሐልፍ ምጅልስ አምን መራቀበት ኖስ እግል ሊደው እግል ለአትፋቅዶ ወምን ደብል መቃደስ ምን መትነፈዕ እግል ልትጀመሎ ቦም።

ሓምሳይ፡ ቻይን አስክ እሊ ቅሩብ ወክድ እብ አሳስ ምዕራፍ ሚሳቅ መንዘመት ምጅልስ ቅራን ለሐልፍ ቀራር መኔዕ ክምሰል ኢትትከበቱ እብ ትሉሉይ ትሸሬሕ ዐለት። ምናተ ቀራር ዕልብ 1907 ለሐልፍ እት ህለ ሕስ እንዴ ኢተአፈግር ኢቃኑናይ ቀራር እግል ልሕለፍ በክት ለለህይብ ናይ ትም መባጥርተ ለሐሬት። እሊ እብ ፍዕል ወእብ ቃል ዲብ ሕድ ለኢበይእ መባጥር ቻይን ህዩ፡ ዎር ምን ተአምርታ ስያሰት ሐዳስ ቻይን “ሪሊ ፖሎቲክ” ጋብእ ህለ።

ወኪል ሩስያ ዲብ መነዘመት ምጅል ቅራን ሰፊ ፊታሊ ሸርከን እብ ሰበትሉ ድድ ኤረትርያ እብ ምጅልስ አምን ለሐልፊ ኢዳድል ቀራር መኔዕ ዕልብ 1907 ለሀብቱ ናይ ተእዲድ ክርን፡ ለገብአ ልግበእ ረአይ ኢሀበት እቱ። ለኢዳይመት ናይ ትም ብሂል መባጥር ህዬ እግል ፍንጌ ሞስኮ ወዋሽንግቶን ለገብእ ግንዳብ ወሐዲስ ትልህያታት ዝያደት ምንመ ሐብባቱ ኢተሐበዐ። ሰበቡ ትም እግል ኖሰ በሊስ ሰበት ቱ። ሩስያ ምስል ጆርጅያ፡ ገለድ ቅብለት አትላንቲክ ወእዳረት አሜሪካ ለተሐባለክ ፋይላት ቡ። ምስል ግብለት አ-ስቶንዩ ወአብኻዝዩ ለህለ እለ መሻክልመ ምኑ ለልትኬለም ኢኮን። ለእብ ኑዕዩቱ ምን እስትራተጅያት እተሓድ ሶቪት ለዐለት ለኢልትፊንቴ፡ ዝያደት ናዩ ሱረት ላቱ ዲብ ምሒጥ ህንድ ለሀሌት እስትራተጅያት ሩስያመ ለትትረሰዕ ኢኮን።

8. ቡርኪናፋሶ

ወኪል ቡርኪናፋሶ ዲብ መነዘመት ምጅልስ ቅራን ሰፊ ሚሽል ካፉንዱ እግል መስለሐት ቀራር ዕልብ 1907ቱ ለሰወተ። እግል መባጥሩ ወዴሕ ዲብ ህለ ህዬ፡
1. “ቡርኪናፋሶ ዲብ ሶማል ለህለ ሓድር ቴለል ምን ቅያስ ወለዐል ሻቅለ። እብ ፍንቱይ ህዬ ዮም እብ 20 ዲሰምበር 2009 ፍንጌ ኢቃኑናይ ሐሽም ሙሰለሕ ወሕኩመት ዐስከርያት ደግሽ ዐስከሪ ሐቆለ ቀንጸ ናይ አምን ቴለል ዲብ ለህጎጌ ሰበት ጌሰ፡ ምን ቅያስ ወለዐል ትሻቅልነ።”

2. “ቡርኪናፋሶ ‘ፍንቱይ ክፋል እተሓድ አፍሪቀ’ ለአቅረበቱ ጠለብ እብ እህትማም ታብዑ።”

3. “ኤረትርያ ምስል እድንያይ መጅተመዕ እግል ትትዓወን መኔዕ ስለሕ ፈዳልየት እትፋቅየት ጅቡቲ እግል ተሐሽም ነአትፋቅድ። እግል መሻክል ሶማል ሐል ስያሲ እግል ርክበት ለአግደ ሕርያን ህቱ ሰበት ገብአ፡ እግል ዲብ ሶማል ለሀሌት ሰልጠት ስያስየት መትዐደዩት ፈደራልየት ሕኩመት እዕትራፍ እግል ተሀበ ቡ”ልብል።

ቀዳማይ፦ ቡርኪናፋሶ ቴለል ሶማል ሻቅለ ዐለ ምንገብእ፡ ሐል መሻክል ሶማል እት ረአስ ኤረትርያ ዛልም ወኢቃኑናይ መኔዕ ቀረሮት እግል ልግበእ ዐለ እሉ ገብእ? መስኡልየት ሶማል ህዬ ራፍዐት ተ ገብእ? ወኪል ቡርኪናፋሶ እግል ኤረትርያ ዲብ ሶማል ሰላም ወመስኩበት እግል ትትመደድ ወሕደቱ ወስያደቱ እግል ቀረሮት ለወዴቱ ትሉሉይ ወለኢልትሐለል ስያስያይ ወዲብሎማስያይ ጸገም ተአምሩ ይዐለት ገብእ? ወለ እንዴ አምሸሸት ምኑ እግል ትሕለፍ ምን ሐዜት ቱ? እሊ ወሎሂ ምንመ ይእንብል፡ ለእብ እዳረት አሜሪካ ለትፈዐለ እብ ናይ መንጠቀት፡ ቃረት ወናይ እድንዩ ጅሃት ለሐልፊ ቀራራት፡ ቀደም 2009 እብ ፍንቱይ ህዬ ቀደም ሙእተመር እተሓድ አፍሪቀ እግል ልተህይቡ፡ ዋሽንግቶን እብ ገበይ ወኪል ዲብ ምጅልስ አምን ሰፊ ሱዛን ራይስ ሌጠ እንዴ

ኢገብኦ: ክምሰልሁሙ እብ ገበይ ዲብሎማሲን ንዝሓም ክሉ ስሞሕ ወኢስሙሕ ኣግቡይ ትነፈዐት።

ካልኣይ: ቡርኪናፋሶ እግል መባጥር ናይላ እግል ሙእተመር ሜርሐት እተሓድ ኣፍሪቀ ገበይ ለደብኣት እዳረት ኣሜሪካ ዲብ ተኣይድ ናይላ ዐዱ እግል እተሓድ ኣፍሪቀ መሬሕ ለዐለ ወኪል ሊብዩ ኣስክ ሙእተመር እተሓድ ኣፍሪቀ እንዴ ገብኣ ቀደየት ኣፍሪቀ እብ ኣፍሪቅዩን ለልትረኤ: ድድ ኤረትርዮ ቀራር መኔዕ ኢልሕለፍ እንዴ ቤለ ለኣቅረቡዩ ጠለብ ዲብ ትትቃወም: ከኣፎ እንዴ ወዴትተ መሓምየት ጠለብ እተሓድ ኣፍሪቀ እግል ትግበእ ትሐዜ? ለበሊስ ዋዴሕ ሰበትቱ ሸሬሕ ለለትሐዝዩ ኢኮን።

ሳልሳይ: ቡርኪናፋሶ ድድ ኤረትርዮ ለሐልፊ ቀራር ኢዓድል ቀራር መኔዕ ዲብ ተኣይድ ከኣፎ እንዴ ወዴትቱ “እግል ኤረትርዮ እብ ሰበት ገሌ ሸእ እግል ኣትፋቀዶተ በዳሪት ለነስኣት” ትብል? ኤረትርዮ ኣስክ ሶማል ልግበእ ወኣስክ ብዕደት ደውለት ስለሕ ናድኣት ኢተኣምር። ኣስክ ሶማል እብ ዋዴሕ ስለሕ ልልእክ ለህለዩ ድወል ሰፊር ሚሸል ካፋንዱ ወንዛሙ ሰኒ ወኣማን እንዴ ወደው ለኣምር። ዲብ እሊ እብ ማካቪላያይ ደሚር ሪሊ ፓለቲክስ ለትትመረሕ እዲነ: ኣማን መትሃጋይ ዐውል ቃሊ ሰበት ለኣደፊዕ: ህቱ ወደውለቱ ኣማን እግል ልትሃገው ኢሓዚሆም ሐቅ ምን ሕቁቆምቱ። እት ረኣስ ኤረትርዮ ኣሳስ ለኣለበ ሸክወት እግል ልንሸር ሳኪን ሐቅ ኣለቦም። ሕኩመት ቡርኪናፋሶ ክምሰልሁ ዶር ክምሰል ትተልሂ ሸዐብ ኤረትርዮ ለኣምር። ሕኩመት ኣቶብዩ ዲብ ሰነት 1998 እት ረኣስ ኤረትርዮ ሐርብ ዲብ ከስተት እቱ ወክድመ ቡርኪናፋሶ ኢፋሉታይ ዶር ሰበት ዐለ እግል: ዲብ ኤረትርዮ እብሊ ናይ ሰነት 2009 ኢፋሉታይ መባጥረ ለተዐጀበ ወለ ምር ነፈር ይዐለ።

ሬብዓይ: ወኪል ቡርኪናፋሶ “መዐደዩት ፈደራልየት ሕኩመት” ለኣግደ ቃኑናይት ሕኩመት ዲብ ሶማል ክምሰልተ ሸርሐ። ሰፊር ቡርኪናፋሶ ለኢበልሰቱ ሰኣል ሳኪን: ዲብላ እብ ሐርብ ኖስኖስ ለትፈንጠረት ወዲብ ኣትሳዋር መሻክለ ህዩ ናይላ ወክድ ለህይ ሕኩመት ኣቶብዩ ወእዳረት ኣሜሪካ ወዶር ዐቢ ለዐለ እሎም ሶማል: እለ ትትበህል ለህሌት ሕኩመት እብ ከኣፎ ወምዶልቱ ሸርዕየት ለረክበ? ሰፊር ቡርኪናፋሶ ክምሰሌን እግል በሊስ ተኣምሩ። ምናተ እብ ኣከይድስ እግል ለኣምሸሽ ምኑ ጀረበ። ዲብላ ገብኣ ምህም ወጠኒያይ ጋር ናይ ደንክበት ወመሀበል ትልህዩ መብቅያይት ፍገሪት ተህሌ እሉ ሌጠ እንዴ ኢገብኦ: ዲብ ደንጎባመ መካን ወፍሬ ለኣለቡ ቱ።